


COMMUNAUTÉ RÉGULIÈRE

DE

NOTRE-DAME DE LA COMPASSION.

38069




Res 3506911  
LE PETIT  
OFFICE  
DE  
LA SAINTE VIERGE,  
SANS RENVOI,  
SUIVANT LE NOUVEAU RIT.



A TOULOUSE;  
Chez DALLES, Imprimeur-Libraire;  
et  
VITRAC, Libraire.

*Avec Privilege du Roi.*

M. D C C. L X X X I.



СИНОВ  
ИАКОВ  
ЯВЛЯЕТСЯ  
СОЧИЯ ЕИАС  
СИНОВОМ СИ ТАК  
  
СОЮЗОТ А  
СИНОВОЙ ЕИАС  
СИ СЛАГИ

---

СИНОВОЙ ЕИАС  
СИ СЛАГИ

## AVERTISSEMENT.

**I**L faut dire l'Ave María , &c. avant chaque Heure de cet Office , à moins qu'elle ne fût précédée d'un autre Office , ou d'une autre Heure du même Office.

On dit le Glória Patri. à la fin de chaque Ps.

Avant les Oraisons , on dit Dóminus vobiscum. ou Dómine exaudi , &c. On le répete après l'Oraison , ensuite Benedicámus Dómino ; & si on ne doit pas dire immédiatement après une autre Heure , on ajoute , Fidélium ánimæ , avec un Ave María.

Après Complies , il faut dire une des Antennes de la S. Vierge , suivant le temps. Elles ne sont que de dévotion après les autres Heures par lesquelles on termine l'Office.

Si on récite seul , on ne dit point Jube domne , &c. avant les Leçons , mais on dit seulement la Bénédiction. A la fin des Capitules , on répond Deo grátiás.

Au Temps Paschal , on ajoute une fois Alleluia. à la fin de l'Invitatoire & de chaque Antienne , & deux fois Alleluia. à la fin de tous les Rg. , tant du Nocturne que des petites Heures.

On ne dit point les premiers mots des Ant. avant les Pss. , lors même qu'on récite cet Office en commun , si ce n'est qu'il fût chanté.

## O R A I S O N

*Qu'on peut dire avant de réciter l'Office.*

**A** Peri Dómine , os meum , ad benedictum nomen sanctum tuum ; munda quoque cor meum ab ómnibus vanis , perversis & alienis cogitationibus , intellectum illúmina , affectum inflamma ; ut dignè , attentè , ac devotè hoc officium recitare valeam , & exaudiri mérear ante conspectum divinæ Majestatis tuæ , per Christum Dóminum nostrum. Rx. Amen.

Dómine in unione illius divinæ intentiōnis , quâ ipse in terris laudes Deo persolūisti has tibi Horas persolvo.

## O R A I S O N

*Qu'on peut dire après l'Office.*

**S** Acrosanctæ , & individuae Trinitati , crucifixi Dómini nostri JESU Christi humanitati , beatissimæ & gloriosissimæ semperque Vírginis Mariæ fœcundæ integratæ , & ómnium Sanctorum universitatæ sit sempiterna laus , honor , virtus & glória , ab omni creatura , nobisque remissio ómnium peccatorum. Rx. Amen.

¶. Beata viscera Mariæ Vírginis , quæ portavérunt æterni Patris Fílium.

Rx. Et beata ubera , quæ lactavérunt Christum Dóminum.

Pater noster , &c. Ave María , &c.



# PETIT OFFICE DE LA SAINTE VIERGE.

A U   N O C T U R N E.

Ave María , &c.

Dómine lábia mea apéries , &c.

Deus ; † in adjutórium , &c.

*Invitatoire.* Jesum de María natum ;  
\* Veníte , adorémus.

P S E A U M E 94.

**V**ENITE , exultémus Dómino ;  
jubilémus Deo salutári nostro :  
præoccupémus fáciem ejus in con-  
fessióne , & in psalmis jubilémus ei.

Jesum de María natum , \* Veníte , adorémus.

Quóniam Deus magnus Dóminus , &  
rex magnus super omnes deos : quóniam  
non repellat Dóminus plebem suam ; quia

in manu ejus sunt omnes fines terræ , &  
altitudines montium ipse cónspicit.

\* Veníte , adorémus.

Quóniam ipsius est mare , & ipse fecit  
illud , & sridam fundavérunt manus ejus :  
veníte , adorémus , & procídamus ante  
Deum : plorémus coram Dómino qui fecit  
nos , quia ipse est Dóminus Deus noster ,  
nos autem pòpulus ejus , & oves páscuæ ejus.

\* Veníte , adorémus.

Hódie si vocem ejus audiéritis , nolite  
obdurare corda vestra , sicut in exacerbatione ,  
secundùm diem tentatiónis in de-  
serto , ubi tentavérunt me patres vestri ,  
probavérunt & vidérunt ópera mea.

\* Veníte , adorémus.

Quadraginta annis próximus fui genera-  
tióni huic , & dixi : Semper hi errant cor-  
de ; ipsi verò non cognovérunt vias meas :  
quibus jurávi in ira mea , si introíbunt in  
réquiem meam .

\* Veníte , adorémus.

Glória Patri , & Fílio , & Spíritui sancto :  
Sicut erat in princípio , & nunc , & semper ,  
& in sécula seculórum. Amen.

Jesum de María natum , \* Vénite , ado-  
rémus.

#### H Y M N E.

**O** Quàm glorificâ luce coruscas ,  
Stirpis Davídicæ régia proles ;  
Sublímis résidens , Virgo María ,

Suprà Cœligenas ætheris omnes !

Tu cum virgíneo mater honóre  
Cœlorum Dómino péctoris aulam  
Sacrís viscéribus casta dedisti :  
Humános Deus hinc induit artus.

Quem cunctus vénérans orbis adórat ,  
Cui nunc ritè genu fléctur omne ;  
A quo , te prémibus subveniente ,  
Æterni pétimus gáudia regni.

Divínæ Sóboli qui dare matrem  
In terris vóluit , glória Patri :  
Cujus Virgo parens , glória Nato :  
Quo fœcunda , tibi glória , Flamen. Amen.

P S E A U M E 44.

**E**Ructávit cor meum verbum bonum : \*  
Edico ego ópera mea Regi.

Lingua mea \* cálamus scribæ velóciter  
scribentis.

Speciósus formâ præ filiis hóminum ,  
diffusa est grátia in lábiis tuis ; \* proptéreà  
benedixit te Deus in æternum.

Accíngere gládio tuo super femur tuum , \*  
Poténtissime.

Spécie tuâ & pulchritúdine tuâ intende , \*  
prósperè procéde ,

Et regna propter veritátem , & mansue-  
túdinem , & justítiā ; \* & dedúcer te  
mirabíliter déxtera tua.

Sagittæ tuæ acútæ , pôpuli sub te ca-  
dent , \* in corda inimicórum regis.

Sedes tua , Deus , in séculum séculi : \*  
virga directionis , virga regni tui.

Dilexisti justitiam , & odisti iniquitatem ; \*  
propterea unxit te , Deus , Deus tuus ,  
oleo laetitiae praे confortibus tuis.

Myrrha , & gutta , & cäfia à vestimentis  
tuis , à domibus ebürneis ; \* ex quibus de-  
lectaverunt te filiae regum in honore tuo.

Astitit regina à dextris tuis in vestitu  
deaurato , \* circumdata varietate.

### DIVISION DU PSEAUME 44.

**A**udi , filia , & vide , & inclina aurem  
tuam ; \* & obliviscere populum tuum ,  
& domum patris tui :

Et concupiscet Rex decorem tuum , \*  
quoniam ipse est Dominus Deus tuus , &  
adorabunt eum.

Et filiae Tyri in munib; : \* vultum tuum  
deprecabantur omnes divites plebis.

Omnis gloria ejus filiae regis ab intus , \*  
in simbriis aureis circumambita varietatibus.

Adducentur regi virginis post eam : \*  
proximæ ejus afferentur tibi.

Afferentur in laetitia & exultatione : \*  
adducentur in templum regis.

Pro patribus tuis nati sunt tibi filii : \*  
constitues eos principes super omnem ter-  
ram.

Memores erunt nominis tui \* in omni  
generatio[n]e & generatio[n]em.

Propterea

Propterea populi confitebuntur tibi in  
æternum , \* & in séculum séculi.

**P S E A U M E 45.**

**D**eus noster refugium & virtus ; \* ad-  
jutor in tribulatiōnibus quæ invenē-  
runt nos nimis.

Propterea non timēbimus , dum turbábi-  
tur terra , \* & transferentur montes in  
cor maris.

Sonuérunt & turbátæ sunt aquæ eórum : \*  
conturbáti sunt montes in fortitúdine ejus.

Flúminis ímpetus lætificat civitátem Dei : \*  
sanctificávit tabernáculum suum Altíssimus.

Deus in médio ejus ; non commovébi-  
tur : \* adjuvábit eam Deus manè dilúculo.

Conturbátæ sunt gentes , & inclináta  
sunt regna : \* dedit vocem suam , mota  
est terra.

Dóminus virtútum nobiscum , \* suscep-  
tor noster Deus Jacob.

Veníte , & vidéte ópera Dómini , quæ  
pósuit prodígia super terram , \* áuferens  
bella usque ad finem terræ.

Arcum cónteret , & confringet arma , \*  
& scuta combúret igni.

Vacáte , & vidéte quóniam ego sum  
Deus : \* exaltábor in géntibus , & exal-  
tábor in terra.

Dóminus virtútum nobiscum , \* susceptor  
noster Deus Jacob.

*Ant.* Ave , grátia plena , Dóminus tecum , benedicta tu in muliéribus.

℣. Sanctificávit tabernáculum suum Altíssimus : ℣. Deus in médio ejus.

Pater noster , &c.

ABSOLUTION. *Judith 13.*

**N**obiscum sit Deus , qui in Ancilla sua adimplévit misericórdiam suam , quam promíxit dómui Israël. ℣. Amen.

*Bénédiction.* Deus , à quo missus est Angelus Gábriel ad Vírginem Maríam , mittat nobis de cœlis sapiéntiam. ℣. Amen.

LECON I. *Ij. 7.*

**A**djécit Dóminus loqui ad Achaz , dicens : Pete tibi signum à Dómino Deo tuo in profundum inferni , sive in excelsum suprà. Et dixit Achaz : Non petam , & non tentábo Dóminum. Et dixit : Audíte ergò , domus David : Numquid parum vobis est molestos esse homínibus ; quia molesti estis & Deo meo ? Propter hoc dabit Dóminus ipse vobis signum : Ecce Virgo concípiet , & páriet filium ; & vocábitur nomen ejus Emmánuel. Tu autem.

℟. Benedíc me , & ex illa dabo filium cui benedicturus sum : \* Conſtituam pacatum meum illi in foedus sempiternum. ℣. Hic erit magnus , & Filius Altíssimi vocábitur ; & regnábit in domo Jacob in æternum.  
\* Conſtituam.

Bénéd. Fílius Altíssimi , quem Virgo con-  
cépit & péperit , det nobis filios Dei fieri.  
R. Amen.

LEÇON III.

*Galat. 4.*

**Q**UANTO témpore hæres párvulus est , nihil differt à servo , cùm sit Dóminus ómnium ; sed sub tutóribus & actóribus est , usque ad præfinítum tempus à pa-  
tre : ita & nos , cùm essémus párvuli , sub elementis mundi erámus servientes. At ubi  
venit plenitúdo téporis , misit Deus Fílium suum , factum ex muliere , factum sub lege ;  
ut eos qui sub lege erant redímeret , ut adop-  
tióñem filiórum recipérémus. Tu autem.

R. Quod in ea natum est , de Spíritu sancto est : páriet autem filium ; \* Ipse sal-  
vum fáciet pópulum suum à peccátis eórum.  
¶. Benedictióñem ómnium géntium dedit illi Dóminus . \* Ipse.

Bénéd. Spíritus sanctus , de quo est quod in María natum est , sanctificet nos per ómnia. R. Amen.

LEÇON IIII. *Ap. 11. & 12.*

**A**PTUM est templum Dei in cœlo , &  
visa est arca testamenti ejus in templo  
ejus : & facta sunt fúlgura , & voces , &  
terræ motus , & grando magna. Et signum  
magnum appáruit in cœlo : Múlier amicta  
sole , & luna sub pédibus ejus , & in cápite  
ejus coróna stellárum duódecim. Tu autem.

R. Deus ex sémine David \* Secundùm promissiónem edúxit Israél salvatórem Je-sum. ¶. Jurávit Dóminus David veritátem : De fructu ventris iui ponam super sedem tuam. \* Secundùm. Glória. \* Secundùm.

*On ne dit point le Te Deum , ci-deffous , quand on récite cet Office après le grand Office Canonial.*

**T**E Deum laudámus , \* te Dóminum confitémur.

Te æternum Patrem \* omnis terra ve-rátur.

Tibi omnes Angeli ; \* tibi cœli , & uni-versæ potestátes ;

Tibi Chérubim & Séraphim \* incessábili voce proclámant :

Sanctus ,

Sanctus ,

Sanctus ,

Dóminus Deus sábaoth.

Pleni sunt cœli & terra \* majestatis gloriæ tuæ.

Te gloriósus \* Apostolórum chorus ,

Te Prophetárum \* laudábilis númerus ,

Te Mártyrum candidátus \* laudat exér-citus.

Te per orbem terrárum \* sancta confité-tur Ecclésia.

Patrem \* immensæ majestatis.

Venerandum

Venerandum tuum verum, \* & únicum  
Fílium,

Sanctum quoque \* paraclétum Spíritum.

Tu Rex \* glóriæ , Christe ,

Tu Patris \* sempiternus es Fílius :

Tu , ad liberandum susceptrúrus hómi-  
nem , \* non horruisti Vírginis úterum :

Tu , devicto mortis acúleo , \* aperuisti  
credéntibus regna cœlorum :

Tu , ad déxteram Dei sedes \* in glória  
Patris.

Judex créderis \* esse ventúrus.

Te ergo quæsumus , fámulis tuis subve-  
ni , \* quos pretioso sanguine redemisti.

Æternâ fac \* cum Sanctis tuis glória mu-  
nerári.

Salvum fac pôpulum tuum , Dómine , \*  
& bénedic hæreditati tuæ ;

Et rege eos , \* & extolle illos usque in  
æternum.

Per singulos dies \* benedícimus te ;

Et laudámus nomen tuum in séculum , \*  
& in séculum séculi.

Dignáre , Dómine , die isto \* sine peccáto  
nos custodire.

Miserére nostrî , Dómine ; \* miserére  
nostrî.

Fiat misericórdia tua , Dómine , super  
nos , \* quemádmodùm sperávimus in te.

In te , Dómine , sperávi ; \* non confun-  
dar in æternum.

**V.** *Sacerdotal.* Confiteantur tibi populi,  
Deus : **R.** Terra dedit fructum suum.

*Si on ne récite pas Laudes immédiatement après le Nocturne, on dit l'Oraison suivante.*

### O R A I S O N .

**C**oncédé, miséricors Deus, fragilitati nostrae præsidium; ut qui sanctæ Dei Genitricis memóriam agimus, intercessio-nis ejus auxilio, à nostris iniquitatibus re-surgamus; Per eundem.

### A L A U D E S .

**V.** Deus, + in adjutorium, &c.

### P S E A U M E 66.

**D**eus misereátur nostrí, & benedícat nobis: \* illúminet vultum suum super nos, & misereátur nostrí;

Ut cognoscámus in terra viam tuam, \* in omnibus géntibus salutare tuum.

Confiteantur tibi populi, Deus, confi-teantur tibi populi omnes: \* lætentur & exultent gentes;

Quóniam iudicas populos in æquitate, \* & gentes in terra dirigis.

Confiteantur tibi populi, Deus, confi-teantur tibi populi omnes: \* terra dedit fructum suum.

Benedícat nos, Deus, Deus noster, be-

nedicat nos Deus; \* & méruant eum omnes  
fines terræ.

P S E A U M E 92.

**D**Ominus regnávit ; decórem indútus  
est : \* indútus est Dóminus fortitudí-  
nem, & præcinxit se.

Etenim firmávit orbem terræ , \* qui non  
commovébitur.

Paráta sedes tua ex tunc : \* à século tu es.

Elevavérunt flúmina , Dómine : \* eleva-  
vérunt flúmina vocem suam.

Elevavérunt flúmina fluctus suos , \* à vó-  
cibus aquárum multárum.

Mirábiles elatiónes maris : \* mirabilis in  
altis Dóminus.

Testimónia tua credibília facta sunt ni-  
mis : \* domum tuam decet sanctitudo , Dó-  
mine , in longitúdinem diérum.

P S E A U M E 99.

**J**ubiláte Deo , omnis terra : servíte Dó-  
mino in lætitia : \* introíte in conspectu  
ejus in exultatióne.

Scírōte quóniam Dóminus ipse est Deus : \*  
ipse fecit nos , & non ipsi nos.

Pópulus ejus , & oves páscuae ejus , in-  
troíte portas ejus in confessióne , átria ejus  
in hymnis : \* confitémini illi.

Laudáte nomen ejus , \* quóniam suávis  
est Dóminus.

In æternum misericórdia ejus , \* & usque in generatióne & generatióne véritas ejus.

C A N T I Q U E . *Zach. 2.*

**L**AUDA , & lætáre , filia Sion ; \* quia ecce ego vénio , & habitábo in médio tuí , ait Dóminus.

Et applicabuntur gentes multæ ad Dóminum in die illa , \* & erunt mihi in pôpulum , & habitábo in médio tuí .

Et scies quia Dóminus exercítuum \* misit me ad te .

Et possidébit Dóminus Judam partem suam in terra sanctificáta ; \* & éliget adhuc Jerúsalem .

Síleat omnis caro à fácie Dómini , \* quia consurrexit de habitáculo sancto suo .

P S E A U M E 116.

**L**AUDÁTE Dóminum , omnes gentes : \* laudáte eum , omnes pôpuli .

Quóniam confirmáta est super nos misericórdia ejus , \* & véritas Dómini manet in æternum .

*Ant. seule.* Benedicta tu inter mulieres , & benedictus fructus ventris tui .

C A P I T U L E . *Jérem.*

**C**REÁvit Dóminus novum super terram : Fémina circúmdabit virum .

## H Y M N E.

**N**unc auróra , novæ núnctia lucis ,  
Tristes orbe procul díssipat umbras  
O quām lucídior , nocte sepultis  
Portans ipsa diem , Virgo , refulges !

O quæ nunc hábitas lúcida regna ,  
Mittas indè tuæ múnera lucis :  
Te si terra dedit munus olympo ,  
Quæ non dona memor reddet olympus ?

Inter perpétuos Núminis haustus ,  
O Regína , tibi sanguine junctum  
Ne dedisce genus : nostra fuisti ,  
Summi facta parens , Virgo , Tonantis .

Divinæ sòboli qui dare matrem  
In terris vóluit , glória Patri :  
Cujus Virgo parens , glória Nato :  
Quo fœcunda , tibi glória , Flamen .

Amen.

¶. Recordátus est Dóminus misericórdiæ  
suæ , Rx. Et veritatis suæ dómui Israel .

CANTIQUE DE ZACHARIE. *Luc*, 1.

**B**enedictus Dóminus Deus Israël , \* quia  
visitávit , & fecit redemptiōnem plebis  
suæ ;

Et erexit cornu salútis nobis \* in domo  
David púeri sui ,

Sicut locútus est per os sanctórum , \*  
qui à século sunt , Prophetárum ejus ,

Salútem ex inimícis nostris , \* & de manu ómnium qui odérunt nos ;

Ad faciendam misericórdiam cum pátribus nostris , \* & memorári testamenti sui sancti :

Jusjurandum quod jurávit ad Abraham patrem nostrum , \* datúrum se nobis ;

Ut sine timbre , de manu inimicorum nostrorum liberati , \* serviámus illi.

In sanctitáte & justitia coram ipso , \* ómnibus diébus nostris.

Et tu , puer , Prophéta Altíssimi vocáberis ; \* præsbis enim ante fáciem Dómini paráre vias ejus ,

Ad dandam scíentiam salútis plebi ejus , \* in remissiónem peccatórum eórum.

Per víscera misericórdiæ Dei nostri , \* in quibus visitávit nos Oriens ex alto ,

Illumináre his qui in ténebris & in umbra mortis sedent , \* ad dirigendos pedes nostros in viam pacis.

*Ant.* Beáta quæ credidisti ; quóniam perficiuntur ea quæ dicta sunt tibi à Dómino.

### O R A I S O N.

**D**eus , qui de beátæ Maríæ vírginís útero Verbum tuum , Angelo nuntiante , carnem suscipere voluisti ; præsta supplícibus tuis , ut qui verè eam genitricem Dei crédimus , ejus apud te intercessio-

nibus adjuvémur ; Per eumdem Dóminum nostrum.

*Au temps Paschal, au lieu de l'Oraison précédente, on dit la suivante.*

### ORAISSON.

**D**EUS, qui per resurrectionem Filii tui Dómini nostri Jesu Christi mundum lætificare dignatus es; præsta, quæsumus, ut per ejus genitricem Vírginem Maríam, perpetuae capiamus gáudia vitæ : Per eumdem Dóminum.

*On dit le Suffrage des Saints au Temps de la Septuagésime & du Carême seulement.*

### SUFFRAGE DE TOUS LES SAINTS.

*Ant.* Fulgebunt justi sicut sol in regno Patris eorum.

*V.* Beáti qui hábitant in domo tua, Dómine : *R.* In séculorum laudábunt te.

Orémus.

**A**CUNCTIS nos, quæsumus, Dómine, mentis & corporis defende periculis ; & intercedentibus beatis Apóstolis tuis Petro & Paulo, atque beat. N. & omnibus Sanctis, salutem nobis tribue benignus & pacem ; ut destructis adversitatibus & erróribus universis, Ecclésia tua secúrā tibi serviat libertate : Per eumdem Dóminum, &c.

## A P R I M E.

**¶.** Deus , † in adjutōrium , &c.

## H Y M N E.

**M**emento , de Deo Deus ,  
Quòd matre natus Vírgine ,  
Nostrî misertus , pérditi  
Mundi redemptor vénēris.

Et nos , Dei Virgo parens ,  
Vuln̄u benigno résponce :  
Placabilem tuâ prece  
Fac esse nobis Fílium.

Qui natus es de Vírgine ,  
Jesu , tibi sit glória  
Cum Patre , cumque Spíritu ,  
In sempiterna sécula. Amen.

## P S E A U M E 8.

**D**omine Dóminus noster , \* quām ad-  
mirábile est nomen tuum in universa  
terra !

Quóniam eleváta est magnificéntia tua \*  
super cœlos.

*Ex ore infantium & lacténtium perfecisti*  
*Iaudem propter inimicos tuos , \* ut déstruas*  
*inimicum & ultórem.*

Quóniam vidébo cœlos tuos , ópera di-  
gitórum tuórum ; \* lunam & stellas , quæ tu  
fundasti.

Quid est homo , quòd memor es ejus ? \*  
aut filius hóminis , quóniam vísitas eum ?

Minuisti eum p aulò minus ab Angelis ,  
gloriâ

glóriâ & honôre coronasti eum : \* & con-  
stituisti eum super ópera mánuum tuárum.

Omnia subjecisti sub pédibus ejus , \*  
oves & boyes universas , insuper & pécora  
campi ;

Vólucres cœli , \* & pisces maris , qui  
perámbulant sémitas maris .

Dómine Dóminus noster , \* quâm admi-  
rábile est nomen tuum in universa terra !

P S E A U M E 86.

**F**undamenta ejus in móntibus sanctis : \*  
díligit Dóminus portas Sion super óm-  
nia tabernácula Jacob.

Gloriosa dicta sunt de te , \* cívitas Dei.

Memor ero Rahab & Babylónis , \* scién-  
tium me.

Ecce alienígenæ & Tyrus , & pôpulus  
Æthíopum ; \* hi fuérunt illic.

Numquid Sion dicet : Homo , & homa  
natus est in ea ; \* & ipse fundávit eam Altíssimus ?

Dóminus narrábit in scriptúris populórum  
& príncipum , \* horum qui fuérunt in ea.

Sicut lætántium , \* ómnium habitatio est  
in te.

P S E A U M E 97.

**C**antáte Dómino cáanticum novum : \*  
quia mirabília fecit.

Salvávit sibi déxtera ejus : \* & bráchium  
sanctum ejus.

D

Notum fecit Dóminus salutare suum : \*  
in conspectu géntium revelavit iustitiam  
suam.

Recordatus est misericordiae suae , \* &  
veritatis suae domini Israël.

Vidérunt omnes térmimi terræ \* salutare  
Dei nostri.

Jubiláte Deo , omnis terra : \* cantáte ,  
& exultáte , & psállite.

Psállite Dómino in cíthara , in cíthara &  
voce psalmi : \* in tubis ductilibus & voce  
tubæ córneæ , jubiláte in conspectu regis  
Dómini.

Moveátur mare , & plenitudo ejus ; \*  
orbis terrarum , & qui hábitant in eo.

Flúmina plaudent manu , simul montes  
exultábunt à conspectu Dómini , \* quóniam  
venit judicáre terram.

Judicabit orbem terrarum in iustitia , \*  
& pöpulos in æquitate.

*Ant.* Filius Dei factus est ei ex sémine  
Dayit secundum carnem.

## C A P I T U L E.

*Isaï. II.*

**E** Grediétur virga de radice Jesse , & flos  
de radice ejus ascendet , & requiescet  
super eum Spíritus Dómini.

R. br. Semen ejus \* In æternum mané-  
bit. Semen. ¶. Et thronus ejus sicut sol \* in  
conspectu meo , \* In. Glória Patri. Semen.

¶. Ponam in séculum séculi semen ejus ,  
¶. Et thronum ejus sicut dies cœli.

O R A I S O N .

**P**Rotege , Dómine , fámulos tuos subfí-  
diis pacis ; & beátæ Maríæ semper Vír-  
ginis patrocíniis confidentes , à cunctis hóf-  
tibus & periculis redde secúros : Per.

A T I E R C E .

¶. Deus , + in adjutórium , &c.

H Y M N E .

**M**emento , de Deo Deus ,  
Quòd matre natus Vírgine ,  
Nostrî misertus , pérditi  
Mundi redemptor véneris.

Et nos , Dei Virgo parens ,  
Vultu benigno résponce :  
Placabilem tuâ prece  
Fac esse nobis Fílium.

Qui natus es de Vírgine ,  
Jesu , tibi sit glória  
Cum Patre , cumque Spíritu ,  
In sempiterna sécula. Amen.

P S E A U M E 115.

**C**réddi , propter quod locútus sum ; \*  
ego autem humiliátus sum nimis.

Ego dixi in excessu meo : \* Omnis homo  
mendax.

Quid retríbuam Dómino \* pro ómnibus  
quæ retríbuit mihi ?

Cálicem salutáris accípiam, \* & nomen Dómini invocábo.

Vota mea Dómino reddam coram omni pôpulo ejus : \* pretiosa in conspeetu Dómini mors Sanctórum ejus.

O Dómine, quia ego servus tuus : \* ego servus tuus , & filius ancillæ tuæ.

Dirupisti víncula mea : \* tibi sacrificábo hóstiam laudis, & nomen Dómini invocábo.

Vota mea Dómino reddam in conspeetu omnis pôpuli ejus , \* in átriis domûs Dómini , in médio tuî , Jerúsalem.

### *P S E A U M E 122.*

**A**D te levávi óculos meos , \* qui hábitas in cœlis.

Ecce sicut óculi servórum in mánibus Dominórum suórum , \* sicut óculi ancillæ in mánibus dómínæ suæ :

Ita óculi nostri ad Dóminum Deum nostrum , \* donec misereátur nostrî.

Miserére nostrî , Dómine , miserére nostrî ; \* quia multùm repléti sumus despectiōne ;

Quia multùm repléta est ánima nostra : \* opprobrium abundántibus , & despéctio superbis.

### *P S E A U M E 123.*

**N**isi quia Dóminus erat in nobis , dicat nunc Israel ; \* nisi quia Dóminus erat in nobis ,

Cùm

Cùm exúrgerent hómines in nos , \* forte  
vivos deglutiſſent nos.

Cùm iraſcerétur furor eórum in nos , \*  
fórfitan aqua absorbuifſet nos.

Torrentem pertransívit ánima noſtra , \*  
fórfitan pertransiſſet ánima noſtra aquam  
intolerábilem.

Benedictus Dóminus , \* qui non dedit  
nos in captiōnem déntibus eórum.

Anima noſtra ſicut paſſer erepta eſt \* de  
lāqueo venántium.

Lāqueus contrítus eſt; \* & nos liberáti ſumus.

Adjutorium noſtrum in nōmine Dómini ,  
\* qui fecit cœlum & terram.

*Ant.* De María natus eſt Jesus , qui vocá-  
tur Christus.

C A P I T U L E. *Isai. 7.*

**D**abit Dóminus ipſe vobis ſignum : Ecce  
Virgo concípiet , & páriet filium ; &  
vocábitur nomen ejus , Emmánuel.

R. br. Deus in médio ejus ; \* Non com-  
movébitur. Deus. ¶. Adjuvábit eam \* manē  
dilúculo : \* Non commovébitur. Glória  
Patri. Deus.

¶. Elégit eam Dóminus. R. In habitatiō-  
nem ſibi.

O R A I S O N.

**D**eus , qui ſalútis æternæ , beátæ Maríae  
Virginité fœcundâ , humáno géneri  
præmia præſtitisti : tríbue , quæſumus , ut

E

ipsam pro nobis intercedere sentiamus, per  
quam meruimus auctórem vitæ suscipere  
Dóminum nostrum Iesum Christum Fílium  
tuum; Qui tecum.

## A S E X T E.

**V.** Deus, † in adjutórium, &c.

## H Y M N E.

**M**emento, de Deo Deus,  
Quòd matre natus Vírgine,  
Nostrí misertus, pérditi  
Mundi redemptor véneris.

Et nos, Dei Virgo parens,  
Vultu benigno résponce:  
Placabilem tuâ prece  
Fac esse nobis Fílium.

Qui natus es de Vírgine,  
Iesu, tibi sit glória  
Cum Patre, cumque Spíritu,  
In sempiterna sécula.

Amen.

## P S E A U M E 124.

**Q**ui confidunt in Dómino, sicut mons  
Sion: \* non commovébitur in æter-  
num, qui hábitat in Jerúsalem.

Montes in circúitu ejus, & Dóminus in  
circúitu pópuli sui, \* ex hoc nunc, & usque  
in séculum;

Quia non relinquet Dóminus virgam pec-  
catorum super fortem justórum; \* ut non  
extendant justi ad iniquitátem manus suas.

Bénefac , Dómine , bonis , \* & rectis  
corde.

Declinantes autem in obligatiōnes addú-  
cet Dóminus cum opérantibus iniquitatēm : \*  
pax super Israel.

**P S E A U M E 125.**

**I**N convertendo Dóminus captivitatēm  
Sion , \* facti sumus sicut consolati.

Tunc replētum est gáudio os nostrum , \*  
& lingua nostra exultatiōne.

Tunc dicent inter gentes : \* Magnificávit  
Dóminus fácere cum eis.

Magnificávit Dóminus fácere nobiscum :  
\* facti sumus lætantes.

Converte , Dómine , captivitatēm nos-  
tram , \* sicut torrens in austro.

Qui séminant in lácrimis , \* in exultatiōne  
metent.

Euntes ibant & flebant , \* mittentes sé-  
mina sua.

Venientes autem vénient cum exulta-  
tiōne , \* portantes manípulos suos.

**P S E A U M E 127.**

**B**Éati omnes qui timent Dóminum , \*  
qui ámbulant in viis ejus.

Labóres mánuum tuárum quia manducá-  
bis : \* beátus es , & bené tibi erit.

Uxor tua sicut vitis abundans \* in latéri-  
bus domús tuæ.

Fílli tui sicut novellæ olivárum \* in cir-  
cúitu mensæ tuæ.

Ecce sic benedicéatur homo , \* qui timet  
Dóminum.

Benedícat tibi Dóminus ex Sion ; \* & ví-  
deas bona Jerúsaalem ómnibus diébus vitæ  
tuæ.

Et vídeas filios filiòrum tuòrum , \* pacem  
super Israel.

*Ant.* Péperit Fílium másculum , qui  
rectúrus erat omnes gentes.

### C A P I T U L E.      *Mich. 4.*

**E** Grediétur qui sit dominátor in Israël ;  
& egressus ejus ab inístio , à diébus  
æternitátis.

*Ry. br.* Dominábitur \* A mari usque ad  
mare. Dominábitur. *¶.* Et à flúmine usque  
ad términos orbis terrárum. \* A mari. Glória  
Patri. Dominábitur.

*¶.* Adorábunt eum omnes reges terræ ;  
*Ry.* Omnes gentes sérvient ei.

### O R A I S O N.

**C** Oncéde , miséricors Deus , fragilitati  
nostræ præsidium ; ut qui sanctæ Dei  
Genitrícis memóriam ágimus , intercessi-  
onis ejus auxílio , à nostris iniquitatibus re-  
surfámus ; Per eundem.

A N O N E.

¶. Deus, † in adjutórium, &c.

H Y M N E.

**M**emento, de Deo Deus,  
Quòd matre natus Vírgine,  
Nostrí misertus, pérditi  
Mundi redemptor véneris.

Et nos, Dei Virgo parens,  
Vultu benigno résponce :  
Placábilem tuâ prece  
Fac esse nobis Fílium.

Qui natus es de Vírgine,  
Jesu, tibi sit glória  
Cum Patre, cumque Spíritu,  
In sempiterna sécula. Amen.

P S A U M E 131.

**M**emento, Dómine, David, \* &  
Omnis mansuetudinis ejus.

Sicut jurávit Dómino, \* votum vovit  
Deo Jacob :

Si introíero in tabernáculum domus  
meæ, \* si ascéndero in lectum strati mei :

Si dédero somnum oculis meis, & pál-  
pebris meis dormitacionem, \* & réquiem  
tempóribus meis,

Donec invéniam locum Dómino, \* ta-  
bernáculum Deo Jacob.

Ecce audívimus eam in Ephrata : \* in-  
vénimus eam in campis sylvæ.

Introibimus in tabernáculum ejus : \*

adorábitus in loco ubi stetérunt pedes ejus.

Surge , Dómine , in réquiem tuam ; \*  
tu & arca sanctificationis tuæ.

Sacerdótes tui induantur iustitiam ; \* &  
sancti tui exultent.

Propter David servum tuum , \* non  
avertas fáciem Christi tui.

### DIVISION DU PSEAUME 131.

**J**urávit Dóminus David veritátem , &  
non frustrábitur eam : \* De fructu ven-  
tris tui ponam super sedem tuam.

Si custodíerint filii tui testamentum meum ,  
\* & testimónia mea hæc quæ docébo eos ;

Et filii eórum usque in séculum \* sedé-  
bunt super sedem tuam.

Quóniam elégit Dóminus Sion : \* elégit  
eam in habitaciónem sibi.

Hæc réquies mea in séculum séculi : \*  
híc habitábo , quóniam elégi eam.

Víduam ejus benedíicens benedícam : \*  
páuperes ejus saturábo páníbus.

Sacerdótes ejus índuam salutári ; \* &  
sancti ejus exultatióne exultábunt.

Illùc prodúcám cornu David : \* paráv-  
iucernam Christo meo.

Inimícos ejus índuam confusióne ; \* super  
ípsum autem efflorébit sanctificatió mea.

P S E A U M E 132.

**E**cce quām bonum, & quām jucundum \*  
habitare fratres in unum !

Sicut unguentum in cāpite , quod descendit in barbam , barbam Aáron ; \* quod descendit in oram vestimenti ejus.

Sicut ros Hermon , \* qui descendit in montem Sion.

Quóniam illīc mandávit Dóminus bendictionem , \* & vitam usque in séculum.

*Ant.* Manifestum est quòd ex Juda ortus  
fuit Dóminus noster.

C A P I T U L E. Galat. 4.

**U**bì venit plenitúdo témporis , misit Deus Fílium suum , factum ex muliere , factum sub lege ; ut eos qui sub lege erant redímeret , ut adoptiōnem filiorum recipérēmus.

R. br. Misericórdia & véritas \* Obvia-  
vérunt sibi. Misericórdia. ¶. Justitia & pax  
osculatæ sunt , \* Obviavérunt sibi. Glória  
Patri. Misericórdia.

¶. Véritas de terra orta est , R. Et justitia  
de cœlo prospéxit.

O R A I S O N.

**F**Amulórum tuórum , quæsumus , Dómine , delictis ignosce ; ut qui tibi placére de áctibus nostris non valémus , Genitrícis Fílli tui Dómini nostri intercessiōne salvémur ; Per eumdem Dóminum.

## A V E P R E S.

**V.** Deus, † in adjutorium, &c.

## P S E A U M E 109.

**D**Ixit Dóminus Dómino meo : \* Sede  
à dextris meis.

Donec ponam inimicos tuos , \* scabel-  
lum pedum tuorum.

Virgam virtutis tuæ emitte Dóminus ex  
Sion : \* dominare in medio inimicorum  
tuorum.

Tecum principium in die virtutis tuæ in  
splendóribus sanctórum : \* ex útero ante lu-  
ciferum gñui te.

Juravit Dóminus, & non pœnitébit eum :  
\* Tu es Sacerdos in æternum secundum ór-  
dinem Melchisedech.

Dóminus à dextris tuis : \* confrégit in die  
iræ suæ reges.

Judicabit in nationibus ; implébit ruinas : \*  
conquassabit capita in terra multorum.

De torrente in via bibet : \* propterea exal-  
tabit caput.

## P S E A U M E 112.

**L**AUDATE, pueri , Dóminum , \* laudate  
nomen Dómini.

Sit nomen Dómini benedictum , \* ex hoc  
nunc , & usque in séculum.

A solis ortu usque ad occasum , \* laudá-  
bile nomen Dómini.

Excellus

Excelsus super omnes gentes Dóminus ,  
\* & super cælos glória ejus.

Quis sicut Dóminus Deus noster , qui in  
altis hábitat , \* & humília réspicit in cœlo  
& in terra ?

Súscitans à terra ínopenm : \* & de stér-  
core érigens páuperem ;

Ut collocet eum cum princípibus , \* cum  
princípibus pôpuli sui.

Qui habitare facit stérilem in domo , \*  
matrem filiorum lœtantem.

P S E A U M E 121.

**L**ætatus sum in his quæ dicta sunt mihi :  
\* In domum Dómini ibimus.

Stantes erant pedes nostri \* in átriis tuis ,  
Jerúsalem.

Jerúsalem quæ ædificátur ut cívitas , \*  
cujus participatio ejus in idipsum.

Illuc enim ascendérunt tribus , tribus Dó-  
mini ; \* testimónium Israel , ad confiten-  
dum nōmini Dómini.

Quia illuc sedérunt sedes in judício , \* se-  
des super domum David.

Rogáte quæ ad pacem sunt Jerúsalem , \*  
& abundântia diligéntibus te.

Fiat pax in virtute tua , \* & abundântia  
in túrribus tuis.

Propter fratres meos & próximos meos ,  
\* loquébar pacem de te.

Propter domum Dómini Dei nostri , \*  
quæsivi bona tibi.

## P S E A U M E 126.

**N**isi Dóminus ædificáverit domum , \*  
in vanum laboravérunt qui ædificant  
eam.

Nisi Dóminus custodíerit civitátem , \*  
frustrà vígilar qui custódit eam.

Vanum est vobis ante lucem súrgere : \*  
súrgite , postquam sedéritis , qui manducá-  
tis panem dolóris.

Cùm déderit dilectis suis somnum : \* ecce  
hæréditas Dómini , filii ; merces ; fructus  
ventris.

Sicut sagittæ in manu potenteris , \* ita fi-  
lii excussórum.

Beátus vir qui implévit desidérium suum  
ex ipsis ; \* non confundétur , cum loquétur  
inimícis suis in porta.

## P S E A U M E 147.

**L**AUDA , Jerúsalem , Dóminum : \* lauda  
Deum tuum , Sion ;

Quóniam confortávit seras portárum tuá-  
rum , \* benedixit filiis tuis in te ;

Qui pósuit fines tuos pacem , \* & ádipe  
frumenti sátiat te.

Qui emittit eloquium suum terræ , \* ve-  
lociter currit sermo ejus ;

Qui dat nivem sicut lanam , \* nébulam  
sicut cínerem spargit.

Mittit crystallum suam sicut buccellas : \*  
ante fáciem frígoris ejus quis sustinébit ?

Emitteret verbum suum , & liquefáciat ea :  
\* flabit spíritus ejus , & fluent aquæ.

Qui annúntiat verbum suum Jacob , \*  
justítias & judícia sua Israel ;

Non fecit táliter omni natióni , \* & ju-  
dícia sua non manifestávit eis.

*Ant. seule.* In me ancillâ suâ adimplévit  
Dóminus misericórdiam suam quam promí-  
sit dómui Israel.

C A P I T U L E.      *Eccli. 24.*

**Q**Ui creávit me , requiévit in taberná-  
culo meo ; & dixit mihi : In Jacob in-  
hábita , & in Israel hæreditáre , & in  
electis meis mitte radíces. Et sic in Sion fur-  
máta sum.

H Y M N E.

**A**Ve , maris stella ,  
Dei mater alma ,  
Atque semper virgo ,  
Felix cœli porta .

Sumens illud Ave  
Gabriélis ore ,  
Funda nos in pace ,  
Mutans Eve nomen .

Solve vincla reis ,  
Profer lumen cæcis ,  
Mala nostra pelle ,

Bona cuncta posce.

Monstra te esse matrem;  
Sumat per te preces,  
Qui pro nobis natus,  
Tulit esse tuus.

Virgo singuláris,  
Inter omnes mitis,  
Nos culpis solútos,  
Mites fac & castos.

Vitam præsta puram,  
Iter para tutum;  
Ut videntes Jesum,  
Semper collætémur.

Sit laus tibi, Christe,  
Cujus Virgo parens:  
Laus par sit & Patri;  
Sit par tibi, Flamen. Amen.

*v. Anima mea exultábit in Dómino : R.  
Et delectábitur super salutári suo.*

### CANTIQUE DE LA B. V. M.

*Luc. 1.*

**M** Agníficat \* ánima mea Dóminum;  
Et exultávit spíritus meus \* in Deo  
salutári meo;

Quia respexit humilitátem ancillæ suæ: \*  
ecce enim ex hoc beatam me dicent omnes  
generatiónes.

Quia fecit mihi magna qui potens est; \*  
& sanctum nomen ejus.

Et

Et misericórdia ejus à progénie in pro-  
génies \* timéntibus eum.

Fecit poténtiam in bráchio suo : \* disper-  
fit superbos mente cordis sui.

Dépósuit potentes de sede , \* & exaltá-  
vit húmiles.

Esurientes implévit bonis , \* & dívites  
dimísit inánes.

Suscépit Israel púerum suum , \* recordá-  
tus misericórdiæ suæ ,

Sicut locútus est ad patres nostros , \*  
Abraham & sémini ejus in sécula.

*Ant.* Beátam me dicent omnes genera-  
tiones ; quia fecit mihi magna qui potens  
est , & sanctum nomen ejus.

### O R A I S O N .

**C**Ordibus nostris , quæsumus , Dómine ,  
grátiam tuam benignus infunde ;  
& intercedente sanctissimâ Dei geni-  
trice Mariâ , cónpora nostra castitáte , &  
mentes nostras humilitáte & caritáte sanc-  
tifica : Per eumdem.

*Au temps Paschal , au lieu de l'Oraison  
précédente , on dit la suivante.*

### O R A I S O N .

**D**EUS , qui per resurrectionem Fílli tui  
Dómini nostri Jesu Christi mundum  
lætificare dignatus es ; præsta , quæsumus ,

G

ut per ejus genitricem Virginem Mariam ;  
perpetuae capiamus gaudia vitae : Per eum-  
dem Dominum.

*On dit le Suffrage des Saints au Temps  
de la Septuagésime & du Carême seulement.*

### SUFFRAGE DE TOUS LES SAINTS.

*Ant.* His sunt ante thronum Dei , & serviant  
ei die ac nocte in templo ejus , & qui sedet  
in throno , habitabit super illos.

*V.* In æternum exultabunt ; *R.* Et ha-  
bitabis in eis.

Orémus.

**A** Cunctis nos , quæsumus , Domine ;  
mentis & corporis defende periculis ;  
& intercedentibus beatis Apostolis tuis Pe-  
tro & Paulo , atque beát. N. & omnibus  
Sanctis , salutem nobis tribue benignus &  
pacem ; ut destructis adversitatibus & erró-  
ribus universis , Ecclésia tua secúrâ tibi ser-  
viat libertate : Per eundem Dominum , &c.

### A C O M P L I E S.

**C**onverte nos , † Deus salutáris noster ;  
*R.* Et averte iram tuam à nobis.

Deus , † in adjutorium meum inten-  
de , &c.

P S E A U M E 128.

**S**æpè expugnavérunt me à juventúte mea : \* dicat nunc Israel.

Sæpè expugnavérunt me à juventúte mea ; \* étenim non potuérunt míhi.

Supra dorsum meum fabricavérunt pec-  
catóres : \* prolongavérunt iniquitátem suam.

Dóminus justus \* concídít cervíces pec-  
catórum.

Confundantur & convertantur retror-  
sùm \* omnes qui odérunt Sion.

Fiant sicut fœnum tectórum , \* quod ,  
priusquàm evellátur , exáruit :

De quo non implévit manum suam , qui  
metit ; \* & sinum suum , qui manípulos cól-  
ligit.

Et non dixérunt qui præteríbant : Bene-  
dício Dómini super vos : \* benedíximus  
vobis in nómine Dómini.

P S E A U M E 129.

**D**E profundis clamávi ad te , Dómine :  
\* Dómine , exaudi vocem meam.

Fiant aures tuæ intendentes \* in vocem  
deprecationis meæ.

Si iniquitátes observáveris , Dómine ; \*  
Dómine , quis sustinébit ?

Quia apud te propitiatio est , \* & prop-

ter legem tuam sustinui te, Dómine.

Sustinuit ánima mea in verbo ejus : \* spe-  
rávit ánima mea in Dómino.

A custódia matutína usque ad noctem \*  
speret Israel in Dómino ;

Quia apud Dóminum misericórdia , \* &  
copiosa apud eum redémptio.

Et ipse rédimet Israel \* ex ómnibus ini-  
quitatibus ejus.

### P S E A U M E 130.

**D**omine, non est exaltatum cor meum ,  
\* neque elati sunt oculi mei ;

Neque ambulávi in magnis , \* neque in  
mirabilibus super me.

Si non humíliter sentiébam , sed exaltávi  
ánimam meam : \* sicut ablactátus est super  
matre sua , ita retribúto in ánima mea.

Speret Israel in Dómino , \* ex hoc nunc ,  
& usque in séculum.

*Ant.* In omni gente quæ audierit nomen  
tuum , magnificabitur super te Deus Is-  
raél.

### H Y M N E.

**V**irgo Dei génitrix , quem totus non  
capit orbis ,

In tua se clausit víscera , factus homo.

Hinc méritò dicent te sécula cuncta beá-  
tam :

Hinc pöpuli matrem te dominamque co-  
lunt.

Súscipe , quos pia plebs tibi péndere  
certat , hónores :  
Annue , sollícitâ quam prece poscit ;  
opem.  
Cujus Virgo parens , laus sit tibi summa ;  
Redemptor ;  
Compar sit Patri , Spirituíque decus.  
Amen.

C A P I T U L E. *Judith 13.*

**N**Omen tuum Dóminus ita magnificávit , ut non recédat laus tua de ore hóminum , qui mémores fúerint virtútis Dómini in æternum.

*R. br.* Vultum tuum \* Deprecabuntur.  
Vultum. *ψ.* Omnes dívites plebis. \* Depre-  
cabuntur. Glória Patri. Vultum.

*ψ.* Mémores erunt nōminis tui *R.* In  
omni generatióne & generatióne.

C A N T I Q U E D E S T . S I M E O N .

*Luc 2.*

**N**unc dimittis servum tuum , Dómine , \*  
secundùm verbum tuum , in pace ;  
Quia vidérunt óculi mei \* salutáre tuum ,  
Quod parasti \* ante fáciem ómnium po-  
pulórum ,  
Lumen ad revelatióne gentium , \* &  
glóriam plebis tuæ Israël.  
*Ant.* Memoráre diérum humilitatis tuæ ;

42      *Petit Office de la S. V.*  
    & ínvoca Dóminum , & lóquere Regi pro  
nobis , & líbera nos de morte.

### O R A I S O N .

**B**Éatæ & gloriósæ semperque vírginis  
Maríæ , quæsumus , Dómine , inter-  
céssio gloriósa nos prótegat , & ad vitam  
perdúcat æternam ; Per Dóminum nostrum.



ANTIENNES  
A LA SAINTE VIERGE.

*Pendant l'Avent.*

**A** Lma Redemptoris  
Mater, quæ perva cœli  
Porta manus, & stella maris, succurre ca-  
denti,  
Súrgere qui curat, populo; tu quæ ge-  
nuisti,  
Natûrâ mirante, tuum sanctum genitô-  
rem;  
Virgo priùs ac postériùs, Gabriélis ab  
ore  
Sumens illud Ave, peccatórum miserére.  
V. Deus in médio ejus: R. Non com-  
moyébitur.

Orémus.

**G**Rátiam tuam, quæsumus, Dómine,  
méntibus nostris infunde: ut qui, An-  
gelo nuntiante, Christi Fílii tui incarna-  
tionem cognóvimus, per passiónem ejus &  
crucem ad resurrectiōnis glóriam perducá-  
mur; Per eumdem Christum.

44 *Antiennes à la Sainte Vierge.*

*Depuis les Complies de la veille de Noël,  
jusqu'à la Présentation de N. S. inclu-  
sivement.*

**A** Lma Redemptoris  
Mater, quæ pèrvia cœli  
Porta manes, & stella maris, succurre  
cadenti,  
Súrgere qui curat, pòpulo; tu quæ ge-  
nuisti,  
Natúrâ mirante, tuum sanctum genitó-  
rem;  
Virgo priùs ac postériùs, Gabriélis ab  
ore  
Sumens illud Ave, peccatórum miserére.  
¶. Véritas de terra orta est, Rx. Et justi-  
tia de cœlo prospexit.

Orémus.

**D**eus, qui salútis æternæ, beátæ  
Mariæ virginité fœcundâ, humáno  
géneri præmia præstítisti; tríbue, quæ-  
sumus, ut ipsam pro nobis intercédere  
fentiámus, per quam merúimus auctórem  
vitæ suscipere Dóminum nostrum Jesum  
Christum Fílium tuum.

Rx. Amen.

*Depuis*

*Depuis le lendemain de la Présentation de N.  
S. jusqu'au Mardi de la Semaine Sainte.*

**A** Ve , Regína cœlorum ;  
Ave , Dómina Angelorum :  
Salve , radix ; salve , porta ,  
Ex qua mundo lux est orta :  
Gaude , Virgo gloriósa ,  
Super omnes speciósia ;  
Vale , ô valdè decóra ,  
Et pro nobis Christum exóra .  
V. Elégit eam Dóminus , R. In habi-  
tationem sibi .

Orémus.

**C**Oncéde , misericors Deus , fragilitati  
nostræ præsidium : ut qui sanctæ Dei  
Genitricis memóriam ágimus , intercessio-  
nis ejus auxilio à nostris iniquitatibus resur-  
gámus ; Per eundem .

*Au Temps Paschal.*

**R**Egina cœli , lætáre , alleluia ;  
Quia quem meruisti portare , alleluia .  
Resurrexit sicut dixit , alleluia .  
Ora pro nobis Deum , alleluia .  
V. Circumdedisti me lætitia , Dómine ;  
R. Ut cantet tibi glória mea .

H

## Orémus.

**D**eus, qui per resurrectionem Fili*i*  
tui Dómini nostri Jesu Christi, mun-  
dum lætificare dignátus es; præsta, quæ-  
sumus, ut per ejus Genitricem Vírginem  
Maríam perpétuae capiámus gáudia vitæ;  
Per eundem Christum.

*Depuis la Trinité jusqu'à l'Avent.*

**S**Alve, Reginá, mater misericórdiæ;  
vita, dulcédo & spes nostra, salve:  
*ad te clamámus*, exules filii Evæ; *ad te*  
*suspirámus* gementes & flentes in hac la-  
crysárum valle: *eia ergo*, advocáta nos-  
tra, illos tuos misericordes óculos ad nos  
converte; & Jesum benedictum fructum  
ventrís tui, nobis post hoc exílium ostende;  
ó clemens, ó pia, ó dulcis virgo María.

*¶. Vultum tuum deprecabuntur Rx. Om-*  
*nnes dívites plebis.*

## Orémus.

**O**Mnipotens, sempiterne Deus, qui glo-  
riósae vírginis matris Maríæ corpus &  
ánimam, ut dignum Fílli tui habitaculum  
éffici mererétur, Spíritu sancto cooperante,  
præparasti: da, ut cujus commemoratione  
lætamur, ejus piâ intercessione, ab instan-  
tibus malis & à morte perpétua liberémur;  
Per eundem Christum Dóminum nostrum.

*Rx. Amen.*

PROSE DE LA SAINTE VIERGE MARIE.

*A dévotion.*

**I**nviolata , íntegra & caesta es , María :  
Quæ es effecta fulgida cœli porta.  
O mater alma Christi caríssima ,  
Súscipe pia laudum præcónia.  
Nostra ut pura péctora fint & corpora ,  
Te nunc devóta flágitant corda & ora.  
Tua per precáta dulcísona ,  
Nobis concédas véniam per sécula.  
O benigna ! O benigna ! O benigna !  
Quæ sola inviolata permanfisti.

*¶. Véritas de terra orta est , ¶. Et justitia de cœlo prospexit.*

ORATION.

**F**amulorum tuorum , quæsumus , Dómine , delictis ignosce ; ut qui tibi placere de ástibus nostris non valémus , Genitricis Filii tui Dómini nostri intercessione salvémur ; Per eundem Christum.

F I N.

Thou art the King of Glory now,  
The King of Kings, the King of Heaven.  
Thou art the King of Glory now,  
The King of Kings, the King of Heaven.

Thou art the King of Glory now,  
The King of Kings, the King of Heaven.  
Thou art the King of Glory now,  
The King of Kings, the King of Heaven.

Thou art the King of Glory now,